Evfrasia is an herbe þe men clepeþ eufrase þis herbe haþ lytel leues liche to herlourer bote hij beþ not so muche & hee haþ whyt flowyr . The vertu of þis herbe is þe how-so-euere hee be vsyd hee is god to hele fore you þis grweþ in medos & hylles Ebilus is an herbe þe clepeþ walwort . thys herbe haþ leues somdel like to ellerne & hee haþ a long . stalke & hee groweþ in feldes . Thee vertu of þis herbe is . þe hee is god to destrue ydrobesye & skabbes & teteres .

Also þis herbe draw† out wykked <ill><3-4 chars></ill>ours of a+man þis herbe is hoot & drye

Edera is an herbe þe me clepeþ yuy þis herbe ys comune & by clyppþe trees & hous in hure growynge . & hee haþ leuys lek to a herbe þe me clepeþ bryane & thyss herbe bareþ Fruyt as hit were bayes . The vertu of þis herbe is þe yf þis herbe be soode in wyne & þene put hit vp on a boch & hele wel þe boche Also yf þu haue hed-acche tak þe Jvys . of þis herbe wþ oyle of roses & medele hem to-gedyr in Wyne & an-oynfte þyn heed þer-w† & þu schalt be hoolle Also yf þu wolt kepe thyned hed fro Akynge in þe sexe sorue tak þe leues of þis herbe & poune hem smale & tempere heme w† eyse & oyle of roses & þenne An-oyngte þin fored þer-w† & þu schalt be sayf An heed .

EDera terestris is An herbe þe me clepeþ eorþe yuy or heyhoue þis herbe haþ leues lik to catmynte bot they beþ not so muchel & hee haþ A manire red flour-þ The vertu of þis herbe is & hee be putt in potage Among flesch hee wold mak þe flesche tendyr & nesche

Eleborus Albus is An herbe þe me clepeþ longwort or pelette of spayne þis herbe haþ leues muche ylyk to pee-delyon bote þey beþ nou3t so muche y-slyt w†-oute & hee haþ A flowr as were pasnepe The vertu of þis herbe is þe 3yf hee be yput
in-to anamng nose hee wol make hym sene // Also hee helþ
scabbes & þe morphe & teteres Also hee purgeþ þe coler
& þe fleme Also hee helþ a+man of þe emeraudes yf hee be
leyd to þe place þer they bledþ Also hee helyþ toþache yf
<fol. 151v>hee be ysed wþ eysel & þenne a+man hold þer-of a good quantite in
hys mouþ Also þis herþe purgeþ wel a+mannus stomak & hys wome
Also þe pouder of þis herþe medled wþ A lytel gruell schal
sle innys Also Juys of þis herþe medled wþ mylk
wol sle Flyes þis herþe ys hoot & drye
Elleborus niger is A herþe þ' me clepeþ clouetonge
or pee-delyon þis herþe ys muche lyk to longwort bote
hee þe leues of longewort beþ not y-slyt as beþ þe
leues of þis herþe & þis herþe haþe A flowr somdel more
þan A peney & haþ a blak rote & horryble in sy3t The
erþu of thys herþe is þ' yf þe pouder of hure be medled
wþ grwel or wþ mele hee wol sle rattis þis herþe ys hoot &
Epatica is An herþe þ' me clepeþ lyuerwort þis
herþe ys growþ on brymms of waters & in welles &
hee wol clenere to stonus & wol grew in walles of stones
þis herþe haþ noþer stalk ne Flour bot smal rund+leues & þe moro
þ' þe leues beþ þe better they beþ to medycynes The
erþu of þis herþe is þ' hee wol destruye & clanse þe hardnesse
of A mannes lyuere // Also þe leues of þis herþe hæþ
hæþ y-memedled wþ swynes grece wol hel wondes
// Also þis herþe is good to hele þe feuere quarteyn
ERpina is herþe þ' me clepeþ foxgloue þis herþe hæþ
leues liche to feltwort bot they beþ nouþt so whyte
& hee hæþ Along stalk & floures somdel red lyk to gloues
& hee growþ muche in wod
EBulus minor is an herþe þ' me clepeþ . [lasse] walwort
þis hæþ leues somdel lek to walwort bot þe leues of þis
herþe beþ somdel redd & hee hæþ A long stalk & hee wol
gladlyche growe in brymms of water